

PLOANIES SAN MARTIN Y LUNGIARÜ

Les Antlès é la festa dl Corp y dl Sanch de Gejú Crist, gnüda metüda sö l'ann 1264 sciöche festa solëna por döta la Dlijia. Ara é gnüda fissada la jöbia do la Domënia dla Trinité (60 dis do Pasca), deach'al ne passenëia nia ite na festa de gran solenité tl'Edema Santa. Te valgügn stac é la festa gnüda sburlada ala domënia do.

Les Antlès recorda l'Ultima Cëna y la presënza de Gejú ti sëgns consacrà dl pan y dl vin. Insciö é la Consacraziun y la Comuniun i momënc zentrai y plü importanc dla festa. Por reconescënza a Gejú Crist, che ó ester tl pan y tl vin nosta spëisa y che nes á impormetü da sté cun nos cina ala fin di tēmps, orunse sté te dljia cina ala fin dla mëssa y spo pormó dedô jí a se mēte sö por la prozesciun.

La prozesciun solëna é na espresciun y na testimonianza dla comunité che tol vita y forza dal'Eucaristia.

I präii che al vëgnes ponsé al ordin dla Prozesciun y ai portadus dles statues y di confaruns y dandadöt a chi che präia dant la corona; ince le Cor de dljia, la Musiga y i Stödafüch é periá da fá so sorvisc, sciöche dagnora; a düc canc ti mēti a cör na dërta devoziun y dignité tla partezipaziun.

Le ploan.

SAN MARTIN

I ciafëis tl'injunta le **decunt dles entrades y dles spëises dla ploania dl ann 2015**, y al vëgn indô dër bel invié da paié le contribut por la cöra. Le contribut é de 40 euro por vigni porsona che á compli 18 agn, tué fora i studënc. I contribuéc é da paié ite tla banca o ince por Online Banking: IBAN: IT 11 J 08010 58830 000304004922.

LUNGIARÜ

I s'alegrun por **Aileen, Sara, Elia, Fabian y Nicola che vá incö ala Pröma Comuniun** y che tol, por le pröm iade, pert cun nos al past dl Signur pro la medema mësä. Ch'ai crëscës ite tla fede y tla speranza ch'i un deboriada y ch'ai pois sintí l'amur de Dî che nes unësc.

En lönesc, ai 30 de ma, vëgnel **lavé la dljia da Lungiarü**; al vëgn dër bel perié do tröpes mans arjignades da daidé (al gnará ince dui ëi a sposté les proches).

En lönesc, ai 30 de ma, dales 20.00 **tignará siur Markus Moling n referat** „La fede te nosc Signur Gejú Crist, Fi de Dî“ tl salf dl paisc a Lungiarü. I sëis düc bel inviá.

KVW: **Curs da grilié** cun Pire Rubatscher en sabeda, ai 28 de ma, dales 12.30 inant tla ütia dles festes. Le cost é de 20 € por i iscric tl KVW y de 25 € por i atri, lapró é la marena da 6 - 8 portades. Se prenoté cina en jöbia pro Carla 0474 590 088 (da sëra).

De Internazionale tl Museum Ladin: Incö, domënia 22 de ma, presentëia sön Tor i studënc di lizeums de Fascia süa mostra sön „Galileo 2.0 - Occhiomente“. Dales 14.00-18.00 pó pici y gragn gni a esploré les invenziuns de G. Galilei y odëi esperimënc de fisica. / Tl museum a San Ciascian, davert dales 10.00-18.00, vëgnel cunté stories dessignades tl saurun. La raprezentaziun dl spetacul Sand-Art mēte man dales 10.15, 14.30, 15.45 y 16.45 y döra vigni iade ca. 40 menüc.

L'entrada, i programs y le sorvisc de taxi danter i dui museums é debann.

La Uniun Ladins Val Badia inviëia a „**Cianta cun nos**“ en sabeda, ai 28 de ma, dales 16.00 tla Ciasa J.B. Runcher. Sön paladina é el cors de mituns y ciantauturs dla Ladinia cun grups rumanc y furlans.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

22.05. - 29.05.16 nr. 26

termo da publiché: jöbia 20.00

radio: 90,40 / 93,70

FESTA DLA TRINITÉ

Vangele do San Jan 16.12-15

Te chël tēmp à Gejú dit a sü discepui:

I à ciamò tröp da ves dî, mo sëgn ne sëise nia bugn da portè na te' ciaria.

Mo canch'al vëgn ël, le Spirit dla verité,
ves condejaral ite te döta la verité.

Deache al ne baiarà nia fora de sè instës,
mo al dijarà ci che ël alda,
y ves incundarà ci che gnarà.

Ël me glorificarà;
deache al tolarà de ci che é mi
y ves l'incundarà.

Döt, ci che le Pere à, é mi;
porchël ài dit:

Al tol de ci che é mi y ves l'incundarà.



*Le vangele é tut fora dl discurs de comié che Gejú ti á tigní
pro l'ultima cëna ai apostui. Gejú sint che sü discepui s'la vëiga.
Porchël ti impormetel le Spirit dla verité.*

*Ince sc'i s'á che Gejú é resori y ch'i á ciafé so Spirit tl bato y tla confermaziun,
me sinti datrai ince iö desconsolé, sciöche i discepui, y ne sá nia co inant.
I ne capësci tröp nia ci che sozed tl monn y ciodí.*

I ne me capësci datrai gnanca me instës y ciamó demanco capësci Chël Bel Dî.

*Al me pó ester de consolaziun ch'i sun en compagnia di discepui
y de tan de porsones che s'la vëiga ince.*

*Ciamó na maiú consolaziun pó ester, ch'i pó mēte ite mia insigurëza tl'oraziun
y perié Idî do so Spirit. Spo devëntel bel plan tler y sarëgn,
mo al n'é nia dit ch'al resta bel; al gnará tres indô momënc de dübe.*

*Öna na Pasca de Ma ne tleca nia, i adori tres indô le Spirit dla verité,
do chël ch'i mësä perié.*

	SAN MARTIN		LUNGIARÜ
22.05.16 FESTA DLA TRINITÉ <i>Domënia dles Families</i>	9.00 Corona de ma 9.30 Gran Mëssa (cun siur Gustl Freinademetz) <i>cun oferta por les Misciuns</i> 19.30 Corona de ma sö Ju	22.05.16 Domënia	<i>Pröma Comuniun de 5 comunicanc cun impromisciuns dl bato</i> 9.00 Ingres te dlijia dala scora Confaruns, musiga, comunicanc, geniturs, bandires, sorvidus, prou, toc, totes y comunité Mëssa da festa Incuntada y konzert dan scora 15.00 Corona tla capela da Seres
23.05.16 Lönesc <i>Berto, Desider</i>	19.30 Corona de ma a Picolin 20.00 Consëi dl'unité Pastoral Val Badia	23.05.16 Lönesc	20.00 Corona tla capela da Seres 20.00 Consëi dl'unité Pastoral Val Badia
24.05.16 Dedolönesc <i>Ester, Dagmar</i>	19.30 Mëssa fam. Giovanni Trebo, Tistler dl ann + Sciandro Trebo, Tasser +++ Paul, Loise y Cherubina Flöss +++ Josef, Jolanda y Alois Holzer	24.05.16 Mertesc	20.00 Corona de ma dala Grota
25.05.16 Dedemesaledema <i>Beda, Gregöre VII</i>	19.30 Corona de ma a Bioch 20.00 Corona de ma a Mirí	25.05.16 Mercui	19.30 Mëssa ++ Vito y Vittoria Clara ++ Scebio y Angela Nagler en onur de Sant Ujöp Freinademetz 20.00 Sentada dl consëi de cöra
26.05.16 Jöbia <i>Filip Neri, Maria Anna</i>	7.30 Mëssa di scholars fam. de Purgl Clara fam. de Maria Planatscher + Loise Palfrader Dasser Corona por vocaziuns 14.00 Vijita ales families str. Tor nr. 2 - 45	26.05.16 Jöbia	7.30 Corona de ma
27.05.16 Vëndres <i>Augustin da Canterbury, Bruno</i>	14.00 Vijita ales families str. Tor nr. 54 - 107 18.30 Adoraziun chîta 19.00 Corona de ma	27.05.16 Vëndres	7.30 Mëssa dl ann + Paul Costa y + Pire Clara ++ Giovanni y Sabina Clara ++ Iustina y Germano Moling
28.05.16 Sabeda <i>Wilhelm, German</i>	15.30 Mëssa tla Ciasa de Palsa 18.30 Mëssa prefestia dl ann + Corrado Castlunger ++ Conrater en onur de Sant Ujöp Freinademetz	28.05.16 Sabeda	20.00 Mëssa prefestia dl ann + Rudi Moling vis y ++ fam. Schanung, Caizer + frater Lino Mischi
29.05.16 FESTA DLES ANTLES	9.00 Corona de ma 9.30 Mëssa solëna dla comunité cun prozesciun eucaristica 19.30 Corona de ma sö Ju	29.05.16 Domënia	7.40 Adoraziun, prüma pert 8.00 Mëssa solëna dla comunité (zënza prozesciun) dedô Adoraziun, secunda pert 14.00 I jun por le Tru di Crisc dala dlijia demez